

89

NË EMËR TË POPULLIT

GJYKATA THEMELORE NË PRIZREN, me gjyqtarin gjykues Fatmir Krasniqi, me sekretaren juridike Fatime Bajraktari, në lëndën penale kundër të akuzuarit S. R. nga Prizren, me mbrojtësin e tij av. V. O., për shkak se ka kryer veprën penale pengimi i personit zyrtar ne kryerjen e detyrave zyrtare nga neni 316 par.2 lidhur me par.1 të KPK-së, sipas propozim akuzës së Prokurorisë Publike Komunale në Prizren PP.nr.2383/10, të datës 28.01.2011, pas mbajtjes së seancës shqyrtimit kryesore në prezencën e Prokurorit Themelor në Prizren B. S., të akuzuarit, me datë **15.07.2016** muar dhe shpalli publikisht këtë:

AKTGJYKIM

I akuzuari:

S. R., nga i ati G. dhe e ëma S. - e vajzerise M., i lindur më datë 1.11.1977 në Arban-Prizren, ku edhe jeton në rr. D. G. m.71, i martuar baba i 2 fëmijve, i pa pune, me shkolle fillore të kryer, i gjendjes së dobet ekonomike, me nacionalitet shqiptar, shtetas i Republikës së Kosovës.

ËSHTË FAJTOR

Sepse me date 31.07.2010 rreth ores 03,55 min, në lagjen Arbana, rr. Ismail Qemali, ne Prizren, ne gjendje te dehur pengon personat zyrtar ne kryerjen e detyrave zyrtare, duke i fyer dhe kanosur me perdorim te ateqasshem te dhunes, i cilj rezulton me lendime te lehta trupore,ne ate menyre qe pasi i pandehuri kishte shkaktuar aksident trafiku, gjate ndermarjes se veprimeve zyrtare te policeve te trafikut, ju drejtohet me fjalet "kam me ta q...nenen" e kap per jeleku dhe e godet me shqelma ne gjoks policin Bajram Avdijaj si dhe e fyen me fjalet "çka ki ti me mua une ti q... robet etj", i cili vazhdon edhe me tej me kanosje dhe tentime per te sulmuar, me qe ishte shume agresiv, policet tentojne ta prangosin, por gjate rrezistimit te tij, policet Bajram Avdijaj dhe Nuredin Xhemajli, marrin lendime te lehta trupore te konstatuara ne mendimin e ekspertit mjeko-ligjor te dates 14.12.2012.

Me këtë ka kryer veprën penale pengimi i personit zyrtar ne kryerjen e detyrave zyrtare nga neni 316 par.2 lidhur me par.1 të KPK-së



Prandaj gjykata në bazë të neneve: 7, 41,42, 43 par.1 pika 1.2, 45, 73,74, 75,76 e neni 316 par.2 lidhur me par.1 të KPK-se, dhe neni 365 të KPPK-së, i shqipton:

90

DËNIM ME BURGIM

Per vepren penale nen 1 te dispozitivit, ne kohezgjatje prej **3 muajve**, dhe

Obligohet i akuzuari që ti paguaj të gjitha shpenzimet e procedurës penale (sipas llogarisë së gjykatës), sado që të jete ato, në emër të shpenzimeve të dy ekspertizave mjeko-ligjore shumen prej **40.00 eurove**, si dhe në emer të paushallit gjyqësor, shumen prej **50 eurove**, të gjitha keto në afat prej 15 ditësh nga dita e plotfuqishmërisë së aktgjykimi, nën kërcënim të ekzekutimit të dhunshem.

Te demtuarit B. nga Prizreni, nga Prizreni, dhe nga Prizreni, për realizimin e kërkeses pasurore-juridike udhezohen në kontest të rregullt civilo-juridik.

Arsyetim

Prokuroria Themelore në Prizren, ka parashtruar propozim akuzën PP.nr.2383/10 të datës 28.01.2011 kundër të akuzuarit S. R. nga Prizren, për shkak të veprës penale pengimi i personit zyrtar në kryerjen e detyrave zyrtare nga neni 316 par.2 lidhur me par.1 të KPK-së,

Gjyqtari gjykues pas që beri shikimin në shkresat e lendes, ku aktgjykimi ka qene i ankimuar, duke vepruar sipas vërejtjeve të gjykatës së Apelit në Prishtinë, mbi shkeljet esenciale të dispozitave ligjore, të cilat shkelje i ka eliminuar, dhe ka vertetuar këte gjendje faktike.

Prokurori i shtetit në Prizren, Besim Susuri në fjalën e tij perfundimtare deklaroi: mbetem në teresi pranë të thenave si në p.akuze, sa i përket dispozitivit nën 1 përkitazi me veprën penale pengimi i personave zyrtar në kryerjen e detyrave zyrtare nga neni 316 par.2 lidhur me par.1 të KPK-se, theksoj se gjatë administrimit të provave sidomos nga degjimi i deshmitarit B. Berisha, i cili diten kritike ka qene sypames dhe pjesëmarrës në vendin e ngjarjes në cilësi të personit zyrtar, vertetohet se i pandehuri ka kryer veprën penale të permendur me lartë, mirpo konstatimi im është se i njëjti këte veper penale me teper e ka kryer nga provokimi i thelle verbal i bere nga pjestari i policise Bajram Avdijaj i cili perveq tjerash te pandehurin e ka quajtur kelysh dhe shume fjale te tjera te renda e ofenduese te cilat kane denigruar personalitetin e te pandehurit. I provokuar thelle nga sjellja jokorrekte e zyrtarit policor Bajram Avdijaj konsideroj se ka qene normale nje reagim i tille i te pandehurit per nje situatë te tille te konsiderohet normale-perkitazi me reagimin kunderreagimin ndaj zyrtarit policor. Ky provokim nga ana e zyrtarit policor B. Avdijaj vertetohet gjithashtu nga deshmita e deshmitarit te permendur i cili verteton se ka ndegjuar te thenen e permendur drejtuar te pandehurit, nderkaq sjellja korrekte paraprake e te pandehurit me zyrtar policor Bajram Berishan dhe Mehmet morinea te cilet prarprakisht kane qene ne vendin e ngjarjes, ka qene jashtzakonisht korrekte nderkaq vetem pas ardhjes se policeve te trafikut regjional ne Prizren i njëjti i provokuar nga policet ka qene i detyruar te reagoje ne ate menyre. Andaj kerkoj nga gjykata që me rastin e caktimit të llojit dhe lartesisë së dënimit ndaj të pandehurit Sami

Regjaj, tim kete parasysh te gjitha keto rrethana e sidomos faktin se i njejti ne nje situatë te tille ka qene i provokuar thelle. Andaj i prpozoi gjykates qe i njejti perkitazi me kete veper penale te shpallet fajtor dhe te denohet sipas ligjit.

91

Mbrojtësi i te akuzuarit av.V. O. ne fjalen e tij perfundimtare deklaroi: paraprakisht konsideroj mjaft profesionale qasjen e prokurorit te shtetit ndaj rrethanave te dites kritike te dt.31.07.2010, megjithate konsiderojme se me administrimin e provave ne kete qeshtje penale nuk eshte vertetuar pretendimi i prokurorisë sipas aktakuzes se i pandehuri S. R. ditën kritike ka kryer vepe en penale pengimi i personave zyrtar gjate kryerjes se detyres zyrtare, gjykates me rastin e vlesresimit te provave te kete parasysh deklaraten e deshmitareve Bajram Berisha e Mehmet Morina qe kane qene neutral ne kete qeshtje penale, dhe tia fal besimin e plote, pasi qe te njejtit kane qene te paret ne vendin e ngjarjes pas aksidentit te komunikacionit dhe deshmise se tyre se sjelljet e te pandehurit ndaj zyrtareve policor kane qene shume korekte edhe perkunder faktit se i pandehuri ka pranuar qe naten kritike ka qene nen ndikimin e alkooholit. Se si erdhi deri te kryerja e vepres penale per te cilen edhe akuzohet i pandehuri, gjykata ne rastin konkret ka mjaft prova me te cilen vertetohet se sjelljet e personave zyrtar Bajram Avdijaj ne kuader te detyres zyrtare nuk kane qene sjellje profesionale e aq me pak zyrtare, nje qasje te tille joprofesionale e ofenduese denigruese per personalitetin e te pandehurit e konsiderojme se e zhvesh personin zyrtar nga petku i autorizimeve qe jep ligji, andaj me sjelljet e tilla nuk kemi autoritet zyrtar nga ana e policit tone. Poashtu me degjimin e deshmitareve Mehmet Morina e Bajram Berisha te cilet edhe kane asistuar pas eskalimit te situates me arrestimin e te pandehurit te njejtit me pergjegjesi te plote kane deklaruar se i pandehuri S. R. nuk e ka sulmuar zyrtarin policor Bajram Avdijaj, ashtu si pretendon akuza, por reagimi i te pandehurit ka qene normale pas fyerjes dhe denigrimit te personalitetit te tij. Perfundimisht i propozoi gjykates qe pas vleresimit te te gjitha provave te akuzuarin S. R. Regjaj ta liroj nga akuza sa i perket dispozitivit nen 1 te kesaj p.akuze, ne mungese te provave, ndersa per dispozitivin nen 2 te kesaj propozimakuze te merr aktvendim refuyues per shkak te parashkrimit te vepres penale per te cilen ngarrkohet i akuzuari. I pandehuri edhe njehere shpreh dhe e ndien keqardhje per demin material qe i ka shaktuar policise se Kosoves ne rastin konkret te vetures zyrtare te policise, si pasoje e veprimeve te te pandehurit pas gjithë asaj ngjarje qe ka ndodhur naten kritike.

I akuzuari S. R. Regjaj ne fjalen e tij perfundimtare deklaroi: se e perkrahi dhe qendroj ne teresi prane fjales perfundimtare te mbrojtësit tim av.V. O. megjithate shtoj se ne nje forme jam i penduar dhe u kerkoj falje policeve per ate se qka ka ndodhur, i premtos gjykates qe ne te ardhem nuk do te perserise keso lloj te vepres penale dhe do te jem me i kujdesshem.

Te demtaurit Bajram Avdijaj e Nuredin Xhemajli ne fjalen e tyre perfundimtare te njejtit i bashkangjiten ndjekjes penale ndaj te akuzuarit dhe parashtrojne realizimin e kerkeses pasurore-juridike.

Në shqyrtimin kryesorë i akuzuari ka deklaruar se nuk e ndien veten fajtorë për vepren penale për të cilat ngarkohet, sa i perket pengimit te personave zyrtar ne kryerjen e detyres zyrtare, duke shtuar se qe me pare ka qene i provokur me fajlet e renda ofenduese e banale si klysh.

Gjykata në shqyrtimin kryesorë i administroi të gjitha provat e nevojshme dhe pas analizimit të secilës provë veç e veç dhe në bazë të gjithave vërtetoi këtë gjendje faktike:

Në tërësi u vërtetua se i akuzari S. R. Regjaj ditën kritike me dt.31.07.2010 rreth ores 03,55 min, ne lagjen Arbana ne Prizren ne gjendje te dehur pengon personat zyrtar ne kryerjen e detyres zyrtare, duke i fyer dhe kerccnuar me perdorim te ateqasshem te dhunes, i cili rezulton me lendime te lehta trupore, ne ate

menyre qe pasi i pandehuri kishte shkaktuar aksident trafiku, gjate ndermarjes se veprimeve zyrtare te policeve te trafikut, ju drejtohet me fjalet "kam me ta q...nenen", e kap per jeleku dhe e godet me shqelma ne gjoks policin Bajram Avdijaj si dhe e fyen me fjalet "çka ki ti me mua ti q...robet", i cili vazhdon edhe me tej me kanosje dhe tentime per te sulmuar, me qe ishte agresiv, policet tentojne ta prangisin, por gjate rezistimit te tij, policet Bajram Avdijaj e Nuredin Xhemajli marrin lendime te lehta trupore te konstatuara ne mendimin e ekspertit mjeko-ligjor te dt.14.11.2010.

I akuzuari S. R. gjatë shqyrtimit kryesorë ka deklaruar se naten kritike vone pasi qe u ktheva së bashku me shoqen time me veture ngase isha ne nje aheng familjar, ne udhekryqin e lagjes Arbana perball shkolles fillore "Ibrahim Fehmiu" kam shkaktuar aksident trafiku, me nje veture tjetër, isha pak nen ndikim te alkooliti, ku ne vend te ngjarjes erdhen policet e Alfes dy polic, ne pyetjen se a keni nevojë per ndihme mjekesore, nje vajze nga vetura tjetër e kerkoj ndihmen dhe erdhi vetura e emergjences, se spitalit te Prizrenit, menjehere edhe pse une isha me policet shume kooperativ duke ju thene se nese kam gabuar dhe kam shkel ligjin mund edhe te me arrestoni, policet me thane se per rastin e aksidentit kompetenca edhe e policeve te trafikut, ku erdhen dy police te trafikut, mua mu ka drejtuar polici Bajram Avdijaj, ia kam dhene dokumentat e mia, ka shkuar te vetura tjetër ti kerkoj dokumentat, gjate bisedes me vozitesin e vetures tjetër dhe me pronarin e shtepise Q. te cilit i eshte shkaktuar dem ne deren e shtepise nga ana e aksidentit, menjehere me eshte drejtuar polici Bajram Avdijaj me gisht duke me thene: "arrestojeni". Pasi qe mu afrua polici Bajram Avdijaj, me ka thene tash kam me te arestuar more pijandur, qen i rrugeve, kelysh ta tregoj tash qefin, me ka kapur mbrapa per qafe qe te me arrestoj une kam rezistuar nuk kam pranuar prangosjen se nuk kam ditur rastin i kane ardhur ne ndihme edhe policet e tjer koleget dhe me kane prangosur dhunshem derisa me kane futur ne veture te policise, kurse une nuk e kam sulmuar askend fizikisht nga policet, perpos se isha i pakenaqur dhe kam sharre dhe ofenduar policin Bajram Avdijaj me nenen, dhe ke me pa se kush jam une. Sa i perket vepres penale gjoja pengim i personave zyrtar gjate kryerjes se detyres zyrtare une per kete veper nuk e ndiej vehten fajtor, kurse sa i perket vepres penale demtim i pasurise se luajtshme, per kete veper e ndiej vehten fajtor nga se edhe para gjykates e kam pranuar fajesin.

Gjykata këtë gjendje faktike e ka vërtetuar edhe nga provat materiale dhe atë nga raporti i qendres emergjente te Spitalit Rajonal në Prizren me nr.16855 dhe nr.16857 të dt.31.07.2010 në emër të te demtuarëve Bajram Avdijaj e Nuredin Xhemajli, raporti i ekspertizës mjeko-ligjore i Dr. Almir Selimi të datës 14.12.2010 përkitazi me natyren dhe shkallen e lendimeve trupore te te demtuarëve Bajram Avdijaj e Nuredin Xhemajli, i cili i pershkruan lemdimet të marra në sulmin fizik të datës 31.07.2010 dhe atë: mbretje e trupit, regjionit te kafazit te krahorrit, regjionit te kafkes se kembes se majtë ne forme te ndrydhjeve te percjella me gervishtje siperfaqesore te formes lineare per te dy te demtuarit e lartecekur, te cilat lendime kane karakter të lëndimeve të lehta trupore me pasoja eventuale të mëvonshme për jetë dhe punë, të cilat lëndime në momentin e shkaktimit kanë qenë te shkaktuara nga dinamika e mjetit te forte si dora, grushti, kamba etj, si dhe fotodokumentacioni ne vendin e ngjarjes.

Gjykata ne cilesin e te demtuarëve i degjoi si deshmitar zyrtaret policor Bajram Avdijaj dhe Nuredin Xhemajli si dhe deshmitaret zyrtaret policor te Alfes ne Prizren Melanor Morina e Bajram Berisha, qe ishin ne detyre zyrtare ne rastin konkret.

Nga fotodokumentacioni i cili gjendet në shkresat e lëndës, shihet vendi se ku ka ndodhë ngjarja dhe ate veturat e aksidentuara, vetura zyrtare e policise, si dhe konstatimi i i alkotestit te i akuzuari i cili ishte nen ndikim te alkoolit prej 1,42 promila.

93

Gjykata ka analizuar mbrojtjen e të akuzuarve Saïd Regji dhe të njëjtës pjesërisht ja fali besimin, pasi që i njëjti edhe pse gjatë shqyrtimit kryesorë nuk e ka pranuar veprën penale si nen 1 te dispozitivit te akuzes, dhe është deklaruar i pafajshëm ai në tërësi e ka pranuar fajesin sa i perket veprës penale nen 2 te dispozitivit te kesaj akuze dhe se ka pranuar se ditën kritike ka pasur nje aksident trafiku me nje veture tjetër dhe se ka pasur edhe nje mosmareveshje me policet e trafikut ku i njëjti ne fillim thote se ka qene i provokuar dhe i ofenduar banalisht nga polici Bajram Avdiqaj, me fjalet pijandur e kelysh, kurse me pas edhe ky duke ia kthyer ka pranuar se i ka ofenduar banalisht policin te demtuarin Bajram Avdiqaj, gjithashtu i njëjti edhe pse në fjalën e tij përfundimtare ka deklaruar se nuk e ka goditur fizikisht me shkel policin Bajram, ndërsa gjykata kesaj deklarate të te akuzuarit nuk ia fali besimin pasi që e njëjta ka per qellim qe te shmanget nga përgjegjësia penale.

Nga arsyerat e lartpërmendura e bazuar në të gjitha deklaratat dhe provat materiale të administruara në shqyrtimin kryesorë vërtetohet se në veprimet e të akuzuarit Saïd Regji formohen të gjitha elementet qensore të veprës penale pengim i personave zyrtar gjate kryerjes se detyres zyrtare nga neni 316 par.2 lidhur me par.1 te KPK-se, andaj edhe shqiptoj denimin e përkthuar si në dispozitiv të këtij aktgjykimi, më parë duke vërtetuar në tërësi përgjegjësinë e tij penalo juridike pasiqë nuk është gjetur as një rrethane e cila do të përjashtonte përgjegjësinë eventuale të të akuzuarit, andaj gjykata te akuzuarin e shpalli fajtor për veprën penale si ne dispozitivin nen1te kesaj akuze, dhe i shqiptoj sanksionin penal, e qe më parë duke vërtetuar në tërësi përgjegjësinë e tij penalo juridike .

Me rastin e marrjes së vendimit mbi dënimin gjykata vlerësoi të gjitha rrethanat në kuptim të dispozitës së nenit 73 të KP-së, të cilat ndikojnë në llojin dhe lartësinë e dënimit. Gjykata nuk gjeti ndonjë rrethanë posaçërisht rrënduese sa i përket të akuzuarit Saïd Regji, ndërsa si rrethana lehtësuese morri parasysh faktin se i njëjti eshte i pa pune, se pas kryerjes se veprës penale ka pasur qëndrim dhe sjellje tejet korrekte, se gjerë më tani nuk kanë qenë i gjykuar dhe nuk kanë ra në kundërshtim me normat pozitive të shoqërisë, i penduar per kete veper penale, dhe premtion se ne te ardhmen nuk do te perserise edhe njeher keso lloj te veprave penale, kështu që denimi i shqiptuar si në shqiptim të aktgjykimit është në proporcion me shkallën e përgjegjësis penale juridike të akuzuarit kështuqë sipas bindjes së gjykatës me këtë denim do të arihet qëllimi i dënimit të paraparë si ne dispozitat të KP-së

Vendimi mbi shpenzimet e procedurës penale është marrë në bazë të nenit 453 të KPPK-së.

Nga sa u tha më lartë u vendos si në shqiptim të këtij aktgjykimi.

GJYKATA THEMELORE NË PRIZREN
P.nr.1627/2014 datë 15.07.2016

Sekretare Juridike
Fatme Bajraktari

Gjykatesi
Fatmir Krasniqi

